

摘藻堂四庫全書薈要

集部

欽定四庫全書薈要

集部

御選宋詩卷三十八

詳校官原任主事<sub>臣</sub>李斯咏

欽定四庫全書薈要卷一萬八千三百四十五

集部

御選宋詩卷三十八

五言律詩四

洪炎

次韻野步

意行無遠近山徑自橫斜  
煙月生秦嶺風幡接暮霞  
影歸巢幕燕聲散宿林鴉  
屐履相隨處僧垣即是家

初入浙中

松竹籠官道牛羊食野田  
岳山低送客蕩水遠含天  
乍聽吳兒語初逢僮父船  
平生足未歷聊以慰華顛

鄧忠臣

邯鄲道中夜行阻風

欲瀉懸河雨先憑拔木風  
問津虎吠處覓路電光中  
徒御憂羣盜兒童笑拙翁  
當知步兵哭初不為途窮

朱長文

新杉

弱植還生意，凌冬見後彫。  
尚低霑雨露，更長拂雲霄。  
庭月揜疎影，簾風舞細條。  
他年逢匠石，寶構壯天朝。

劉翕

蔣沙莊居十首

錄四首

他日逢高地，吾廬瓦數溝。  
井泉甘勝乳，庭竹冷先秋。  
邨落時情淡，田疇歲計優。  
荆扉終日掩，最喜近松楸。

軟滑香私顫，肥長紫蕨苗。  
盤餐殊不惡，鄰叟亦相邀。  
潘岳蕭條髻，陶潛頽頽腰。  
巢枝得安穩，萬物一鷦鷯。

晴屋鳴鳩婦春陂翳雉媒筋頭甘野菽鋤力到陳荻掠  
水千艘健橫風一笛哀最憐雙白鳥解事等閒來  
松種龍蛇子栽培近著行有時窺北榻不日暗東岡灑  
落終含韻輪囷未竟長故應容足地投老慰荒涼

莆田雜詩

錄八首

清樾陂陀外春深四五家叢祠下簫鼓平楚暗桑麻水  
國潛蚪傲天程去鳥賒仙山仍在目瀟灑送天涯  
未麗娟娟妒山丹灼灼姝煖煙巖養璞沉碧鳳將雛刀

尺文章拙巾幇禮數迂課成鷗鷺想片夢落江湖  
鷓鴣青春晏鶻鮑白社驕掠風雛燕翼界雨晚虹腰醪  
醪銀牀漑茸茸紫澗苗到家幸無苦浦淑有回潮  
鶴唳歸雲急龍移過雨腥桂清飄月岫槎老卧煙汀洞  
失壺公舊雱傳妙應靈不緣幽事隔小復理篁屏

共樂超然構躋攀一氣邊蒼茫煙水國清潤李梅天碎  
白淙崖瀑孤青煮海煙三神山自邈何至苦求旃

蟪蛄當戶綴絡緯擁莎吟詩魄干霄上暴魔攪海深忘

機一飛鳥藏拙萬黃金昨有逃虛意支郎下北岑

當日山南寺層樓插蔽虧龍蛇緘柳筆風雨舛唐碑  
淺雲吞液山稀海襯眉杖藜支瘦鶴白髮茂林緇

功名慙鷄瞬圭組困鳩佻元結郎終漫劉安隱孰招客  
塵闕簿領生計負漁樵賴足杯中物時將塊壘澆

春日舟中即事

墨綬蠻鄉去青春瘴海行漏篷愁暴雨小艇畏長鯨  
灘惡舟難渡風狂浪易生不堪江上笛時送兩三聲

鄒浩

晚步

緩步隨山徑，橫前得野塘。  
倚風荷展玉帶，日鷺翹霜霧。  
斂都無瘴，天晴却自涼。  
搯筇愜新興，疑已到江鄉。

次韻錢岳雪中

六尺飛瓊玖，雲愁正臘天。  
寒聲生密竹，爽氣徹純絲。  
故苑風初靜，重樓月向圓。  
何當酬此景，蘸甲引金船。

閒軒

結構俯危城公餘杖履輕事隨塵自遠心與水長清隱  
几魚方樂開窗雨乍晴憧憧渡頭客誰會此時情

次韻湖上有作

霜落西陂晚追攜物外歡孤芳迎日動輕浪逐蓮乾魚  
計從來審鷗盟未易寒誰知少陵老愛客似蘓端

次韻陳君益見寄

冉冉歲云暮泠然流水心他邦勤短策今日慰孤斟竹  
韻凌風遠花光受月侵毫端落珠琲三復故情深

次韻仲孺用前韻寄世美二首

雪霽高陽里欣欣春意深  
舊遊還入眼何處復揮金  
塵表誰南北杯中失古今  
重憐非土木猶自一沉吟  
天宇梅邊靜春光破蟻封  
嶺雲猶過雁冰浪欲飛龍  
玉鐙隨新約茅簷祇故容  
何當卷書去相與豁塵胸

次韻君表送仲弓迴有作

北野陰成幄崇朝得暫休  
班荆無濁酒交轡有清流  
風絮間相逐晴絲懶自游  
吾行亦朝夕未擬問菟裘

劉安上

仙巖莊

岡勢從東轉河流自北來地幽饒水竹山迴少塵埃城  
郭居何遠舟船暮可回此中棲息穩懷抱一時開

小飲

南窗閒徙倚風露已秋深晚色無涼至浮雲帶日陰池  
荷欺碧玉籬菊暗黃金時序皆道盡翻驚壯士心

憶鷓鴣

鷓鴣知何許南園春水多稻梁隨分有煙雨想無他世  
上貪毛羽湖邊足網羅池塘棲息穩慎勿厭風波

毛滂

下渚湖

春渚連天闊春風夾岸香飛花渡水急垂柳向人長遠  
岫分蒼紫澄波映渺茫此身萍梗爾泊處即吾鄉

定光禪院

曉出開霜阪飢鳥啄麥畦山腰餘雪瘦天面冷雲低寒

意梅花北禪心栢子西窗前借殘月照我渡前溪

吳則禮

題折氏下城園

繫馬後河川可人冬景妍要看花到地付與水浮天未  
覺隨戎馬端來喚酒船誰云是闕塞勝事總堪傳

唐庚

秋夕書懷

鹽齏歲華侵垂垂老境臨時光自風雨寒色到衣衾萬

竅號秋杪孤燈照夜深  
蛩聲亦清苦唧唧伴人吟

直舍夜坐

強仕似幼學細書仍短檠  
月來冷處白風及醉時清坐  
久露微濕更深秋有聲  
不知愁底事終日自悲鳴

武陵道中

朝辭漢使節暮作楚囚奔  
路入離騷國江通欵乃邨  
垣牆知地濕草木驗冬溫  
寂寞桃源路行人祇斷魂

次泊頭

何處不堪老浮山傾蓋親潮田無惡歲酒國有長春草木疑靈藥漁樵或異人近前端有得丞相未宜嗔

壬辰九月二十三日天氣始寒以詩紀之

朝來怪底冷前此已重陽漸逼逼袴襦節稍聞灰火香煙嵐向冬淨摘袖得霜黃嶺表雖多暑天時亦有常

夏日謫居書事

四十緇成素清明綠勝紅形容千慮後門館一貧中白日時時別青蕪處處同此生唇舌裏啼鳥暮春風

雜詩

錄五首

屏跡舍人巷灌園居士橋  
花開不旋踵草薶復齊腰  
蛤吠明朝雨雞鳴闇夜潮  
未能全獨樂鄰里去還邀

已絕經年筆仍闕盡日門  
身謀嗟翠羽人事歎榕根  
蔬食風掀市樓居水破村  
嶺南霜日薄何得鬢邊繁

便歸良不惡未去且隨緣  
戶口知無瘴謳歌覺有年  
藤牋得句後桂酒飽愁邊  
經術吾衰矣猶堪舉力田

兀坐且如此出門安所之  
手香柑熟後髮脫草枯時  
精

力看書覺情懷舉盞知炎州無過雁二子在天涯  
飽食為茶地深耕覓酒材翻泥逢暗筍汲井得飛梅湖  
盡船頭轉山窮屐齒回田家良自苦清興亦悠哉

雜興

錄九首

白日消諸妄青山對屢空著書防惡客學圃問鄰翁  
吉貝流肌滑檳榔入頰紅丹砂落吾手秋至任飄蓬  
多事定何補寡言聊自溫蟹黃嗔止酒雞白勸加飧濯  
足樓船岸高歌抱朴村媿無魑可禦只益負君恩

鬧窄良難入間寬足見容竹根收白疊

謂竹布

木杪得黃

封

謂柳

問學兼儒釋交遊半士農行歌村落晚落日滿

攜筇

為農沙子步附保水西鄉隱几江天遠開門佛土香時  
情荒徑草野色淡漁梁欲縱高秋日東偏短作牆

舊物杯中酒新銜海上翁百非無一是顯過豈微功引  
水江分碧烹丹井為紅幽居亦多事度日不全空

小市江分破連萍水卷翻到今佛跡在千古鶴峰尊浮

嶠來何處豐湖入數村登臨有何好秋至數消魂

已分詩驅使寧辭酒過差南烹人釣蛤北信客占鴉年  
事侵膚理憂端宿肺家向來功業興到晚詠餘霞

海氣東南上野煙申酉間草平連別洞雨轉入他山道  
路魚鹽去樵蘇竹木還西江并北客相對各蒼顏

水過魚村濕沙寬牧地平片雲明外暗斜日雨邊晴山  
轉秋光曲川長暝色橫瘴鄉人自樂耕釣各浮生

夜久睡覺不復能寐淒然有感

無復更殘暑夜深清欲飢葉飛魂夢數露重語音知月  
色到秋苦更聲臨曉遲平生憎墨翟老去亦悲絲

野望

賴有澄江在專供倚杖清水栽偏岸直雲截亂山平  
鼓知農隙雞豚覺歲成却緣搖落後木杪得孤城

九日懷舍弟

重陽陶令節單闕賈生年秋色蒼梧外衰顏紫菊前  
登高知地盡引滿覺天旋去歲京城雨茱萸對惠連

夜坐懷舍弟

無雲仍露坐有月更江臯  
沉陸傷吾道浮生憶爾曹  
扁舟應夏口此夕數秋毫  
不見今三載當時已二毛

江陵逢故人宋德粹自播守罷歸南陽以詩見  
貽依韻和酬

昔別方初節相逢各素秋  
君歸卧龍國我脫隋鳶州  
霜鬢含多事塵容帶倦遊  
行藏端可見歲晚莫登樓

率諸公飲開元寺勉翁有詩因次其韻

三伏光陰過初秋宇宙新一杯  
捫馬酒千古竹林人山  
入永嘉屐蟻浮彭澤中悲歌送落日為我少停輪

送客之五羊

不到番禺久繁雄良自如江山禹貢外城郭漢兵餘  
圓折明珠浦旁行異域書五羊雖足樂雙鯉未宜踈

春歸

東風定何物所至輒蒼然小市花間合孤城柳外圓  
禽聲犯寒食江色帶新年無計驅愁得還推到酒邊

醉眠

山靜似太古日長如小年  
餘花猶可醉好鳥不妨眠  
世味門常掩時光筆已便  
夢中頻得句拈筆又忘筌

黃裳

寄題澄虛閣

欄檻天都近池塘水鑑平  
微風晴後寂孤月夜來清  
大象莫能破纖塵何處生  
湘靈誰為感一曲謾分明

崔鷗

石牛莊閒居

不識春風面知從底處來紅深桃靨破綠靜水簾開物  
外心常挂人間事不諧從今江海去無復世推排

楊時

歸雁

天末驚風急江湖夜思長悲鳴愁絕塞接翼冒秋霜澤  
岸多繒弋雲間乏稻粱茫然棲息地飲啄亦何傷

曉泊遇雪

向曉驚風急飄零雪滿垞氣升雲冪冪天遠月冥冥寒  
色終無賴豐年漫寄聲舖糟吾不慣彊醉復還醒

過清溪渡

天濶江銜雨冥冥上客衣潭清魚可數沙晚雁爭飛川  
谷留雲氣鷓鴣傍釣磯飄零滄海客欵倒一帆歸

泗上三首

錄二首

淮口平沙漲檣烏向日斜微雲變蒼狗輕浪蹙浮花風  
勁回飛雁林暄集暝鴉河流應未閉遲我到京華

鬢蓬彫欲盡岸幘任欹斜瘦怯重裘重慵看細字花凍  
雲穿曉日晴樹繞飛鴉老大驚遲暮飄零惜歲華

游酢

感事

世事浮雲薄勞生一夢長散材依櫟社幽意慕濠梁風  
激鷹鷂迅霜殘草木黃投閒如有約早晚問耕桑

韓駒

泰興道中

縣郭連青竹人家蔽綠蘿地偏春事少山迴夕陽多暗  
水披崖出輕船掠岸過傳呼細扶柁吾老怯風波

送雲門妙喜游雪峰

老子幽棲地勞君久見存夜羶從粟爆午枕看茶翻舊  
事時追憶深禪得細論還應雪峰老領衆待雲門

張元幹

夜宿宗公文室求詩甚勤為賦五言

林表登層閣秋聲聽暮鐘鴉歸苦竹寺雨閣亂雲峰屢

乞留新句重來訪舊蹤  
松門罕車馬似喜老夫逢

次韻晁伯南飲彥達官舍心遠堂

今夕知何夕真成累十觴  
爐薰飄月影蜜炬剪花香  
政嬾還詩債無從發酒狂  
故人憐久客舞袖要須長

叔易自三吳歸同赴竹菴荔子之集

惜別梅花雨來歸荔子秋  
江帆成昨夢雲嶠忽重游  
共喜身常健寧論久客愁  
殷勤老居士更為寶峰留

寄錢申伯二首

子去客昭武令儂懷舊游青山渾在眼白髮暗添頭旅  
食今安好歸程儻滯留溪邊因野步試覓水明樓

一點照今古胸中殊了然不妨為漫吏可但號懼仙丹  
荔盟猶在凝香句未傳秋風稍涼冷速辦下灘船

申伯有行色會宿東禪次元韻

真成風雨夜精舍對牀眠去住非無數行藏莫問天十  
年瀕瘴海一棹破春煙君自足歸興不妨啼杜鵑

次折樞留題雲峰韻

軒冕本無意煙霞如有期故人容野老勝跡見新詩誰  
辨兼忘世公當急濟時春歸仍送別好在出山遲

次韻范才元中秋不見月韻

不見中秋月長吟五字城浮雲有底急清影可憐生殘  
夜四更句故人千里情與君徒悵望天上自分明

次韻劉希顏感懷

避謗疎毛穎推愁賴索郎坐來春漏促夢去畏途長故  
國書題冷新詩齒頰香湖山雖好在歲月已相忘

郭從繩示及張安國諸公酬唱輒次元韻

登樓乘暇日喚客共澆愁春去花猶發陰濃雨未收和  
詩真冷淡得句總風流能遣西陵老殊無陋巷憂

戊辰春二月晦日同棲鸞子送所親過寶積題  
壁間

春江因送客雲嶠更登臨精舍經行地征人去住心猿  
啼清夢繼花落曉窗陰勝踐成三宿俱來此意深

傅察

逍遙堂五詠

欲識逍遙樂都忘利與名  
論詩惟百氏來往有諸卿  
靜覺羊腸險間看蝸角爭  
超然寄妙理知不媿莊生

堂上春風至欣欣草木情  
鷓鴣鳴藏柳暗蝶舞映花明  
暖日遲遲景輕雷隱隱聲  
客來何所有采蕨試新烹

堂上薰風至陽曦午更驕  
翫陰欣葉密引飲快冰消  
乳燕飛還墜鳴蟬咽復調  
清談能却暑應不廢招邀

堂上西風至郊原歲事成  
雨餘虹影落雲霽露華清  
唧

唧蛩鳴夜飄飄雁度晴登臨多物色筆落競縱橫  
堂上寒風至蕭條靜物華映窗惟有竹倚檻更無花碧  
瓦霜初重銅壺日易斜樽壘延夜永不覺已朝霞

李綱

通衢驛夜坐有感

永夜發孤嘯起看河漢流羣山湧翠浪纖月挂瓊鈎豈  
謂艱難日翻成汗漫遊虛舟今不繫暮景付滄洲

宿開平寺去劔浦二十里有泉石之勝曩與郡

守謝德夫同遊今又一紀矣溪山草木依然住  
持猶舊人也感歎有作

舊遊渾似夢佳處每難忘地僻溪山秀春深草木香世  
途方梗棘老景自淒涼衲子那知此間中氣味長

雜興

邑犬驚行客林鳥啼曉霜山林雲冉冉澤國水茫茫移  
櫂輕舟穩釣簾野興長誰知因謫宦得到水雲鄉

暮天來遠色行客尚貪行櫂急浪花碎月高雲縷輕巢

禽棲更起漁火暗還明獨寢不成夢夜寒聞雁聲

小雨

小雨晚初急暝雲深不收霏霏暗煙舍索索響篷舟山  
色增遠翠漁蓑生暮愁淒涼蘓季子寒覓敝貂裘

將次錢唐

歲晚飄零日舟行杳靄間江鄉多霧雨風物近湖山獨  
鶴徊翔久飛雲自在閒遠遊殊未已蕭颯鬚毛斑

玉山道中

行李遠激水禪扉依玉山煙嵐數峰秀雲水一溪灣小  
市晚猶合疎鐘寒自還舊遊如昨日屈指十年間

宿黃藤驛

古驛號黃藤休鞍夜已燈溪寒水清淺山瘦石稜層豪  
客路方阻歲寒陰始凝開懷惟仗酒獨酌醉曹騰

銅陵阻風

春色到江渚梅花正斷魂風波留遠擢煙雨濕寒村雁  
過傳遺響潮來沒舊痕淒涼一樽酒愁絕與誰論

簡寂觀

陸修靜  
故居

高士不可見雲鄉空舊居  
煙嵐飛瀑外露石禮星餘松  
老來歸鶴沼深時見魚何人  
覓丹訣應有枕中書

過苦竹嶺

今日江湖雙眸嶺上明山光  
隨地好秋氣逼人清隴  
水初分處雲鴻欲別情離離  
古來意歎息未休兵

冬日間居遣興

僻處掩松門知非更念息庭  
空從鳥啁山暖覺蜂喧木

葉淨如埽茶花開正繁  
蕭條歲云暮倚杖自忘言

岳飛

鄱陽龍居寺

魏石山前寺林泉勝景幽  
紫金諸佛相白雪老僧頭  
潭水寒生月松風夜帶秋  
我來囑龍伯為雨濟民憂

池州翠光寺

愛此倚闌干誰同寓目閒  
輕陰弄晴日暮色隱空山  
巖樹蕭條外征帆杳靄間  
吾雖江上老心羨白雲關

陳東

與虞章舜卿二表弟李明游兼勝亭有作

危亭兼雅勝勝景足竒觀湖水涵天入山雲帶雨蟠千  
松偃夜月萬竹撼春寒玉井汲甘冷塵緣那得干

野曠湖山遠林深松竹幽舊題看壁立前事逐萍浮荏  
苒荒三徑依稀度九秋故人應念我雅會莫遲留

葉夢得

觀化堂編校舊書

赫日真能永微風亦自涼故應便北戶何敢厭東墻汲  
水聊為戲繙書却未忙平生閒與懶并覺味兼長

再任後遣模歸按石林四首

錄二首

巖石三年別君恩未許歸從誰尋草徑為我款荆扉舊  
繞山千疊新添竹一圍故人如見問端欲挂朝衣

插架環千軸傳家有舊書展舒慙几案涼曝闕庭除破  
屋方懸溜殘編足蠹魚好須重檢校扃鎖莫令踈

為山亭晚卧

瘦石聊吾伴，遙山更爾瞻。  
泉聲分寂歷，草色藉廉纖。  
玉粒時能飽，霜毛日更添。  
平生疎懶意，况與病相兼。

汪藻

過臨平

一別九霄路，風煙長滿衣。  
已成身老大，無復世輕肥。  
天濶鳥雙下，山寒人獨歸。  
曉來何似雨，春水半巖扉。  
睡足涼生岸，鈎簾坐小窗。  
麥風能起柁，梅雨不鳴江。  
往事心長折，歸途影自雙。  
依然蒲柳地，不待早秋降。

廖剛

題雙泉堂

疊翠倚崢嶸森然衆木榮  
兩條寒玉迸一檻暑風清  
幽意憑分瀉微瀾更合成  
誰知闌闌裏扃戶小蓬瀛

李彌遜

和少章喜晴

日暮馬行疾峰巒過眼頻  
雨階長苦夜晴谷似逢春風  
月起歸恨江天思故人  
機心渾已盡惟有白頭新

春日雜咏

幽棲足春事晴日苦相催  
屐齒穿沙穩筇鬚礙竹回  
光風初轉蕙殘雪欲欺梅  
自是經過少柴門日日開

散策

散策北岡路牛羊歸徑深  
水窮人小立山靜客微吟  
點點稻花雨團團榕葉陰  
田翁罷爭席明日共幽尋

發光林寺

朝發光林寺崎嶇渡復攀  
摳衣緣翠濕側足下蒼頑  
急

雨欲平澗斷雲時見山祇應超勝地行路未嘗艱

琴溪

竹色千幢靜溪光一鑑開巖隈宿風雨人迹老莓苔控  
鯉定何在騎鯨今不來空餘泉上月與我共徘徊

早入昭亭與同遊散步山中自樵徑至水濱路  
窮還僧舍飯

散策春岡曉樵蘇一徑長鈎衣藤挂石斷路水浮塘山  
靜竹生韻池清蘭自香禪房得深憩魚鼓正鳴廊

再遊龍潭

密霧開深徑幽竒得重行  
水光沉樹色人語亂泉聲  
仙去山容寂龍遊雨陣輕  
誰能築雲室千古共淒清

夏日與妙現老堂二公晚步江皋露坐月下夜  
分乃歸老堂有詩次其韻二首

步屨榕根晚明河九面橫  
兩禪方外得一笑坐中成  
雲去天逾碧星垂月自明  
寒江正留客倚杖看潮生

胡林興不淺未有庾公賢  
山意知秋近江聲到寺前  
夜

涼新病後月色正愁邊可惜江南夢青燈照不眠

孫覲

蒙亭

小築三間足雄包萬象并  
遙波通極浦落日抱孤城  
小語千巖應長歌百蟄驚  
坐看衣履上漠漠晚雲生

春雨

細雨破春昏清風洗瘴氛  
霏微花上見蕭瑟夜深聞  
獨笑闕幽事酣歌倚半醺  
羈懷不堪寫危坐對爐芬

三山寺

斜日半窗明無人獨掩扃  
風鈴時自語雪柏老終青  
立鵲參差見微泉斷續聽  
老生渾不語危坐卷殘經

異縣久為客窮途飽所更  
對牀雲伴宿曳杖月同行  
到處身如寄看山眼暫明  
平生飲中趣酒賤且頻傾

題硤江蕭氏菴

雪屋清如洗雲崖翠作堆  
破扉風自掩敗壁雨先頽  
野色初還柳林香尚有梅  
滄江千萬頃一鳥鏡中回

雲逐歸心亂山隨望眼賒疎林敲晚照淺溜咽春沙客  
路三年過僧窗一笑譁此生安稅駕有地即為家

春事

茅棟依林出松扉傍水斜浮蒼圍百疊亂綠翳三叉屋  
破蝸書壁庭蕪鶴印沙小桃供一笑已著兩三花

臨安道中

微流隱復見一曲宛秋蛇柳老蟲書葉湖平鳥篆沙青  
鞋踏雨滑烏帽倚風斜何處堪攜手宜城賣酒家

環翠亭

樵磴盤蒼巘，漁磯俯碧潭。  
羣尖青染黛，一曲翠投藍。  
冉冉松雲細，娟娟竹露涵。  
春風萬楊柳，綠影亂毵毵。

大雪後喜晴

嶺雪斑斑在崖泉，咽咽鳴一川。  
明曉霽萬壑，貯春聲磴滑。  
藤枝健沙明，屐齒輕小兒。  
修淨供酌茗，慰孤清。

舟過湖泐泊丁山

雞犬三家市，蓬蒿一畝宮。  
蘿牽籬幕翠，箨隕砌堆紅。  
宿

鳥來還去微泉咽復通幽尋殊未已落日滿疎桐  
日下殘紅斂煙深積翠重鷗輕沒浩蕩魚樂自從容野  
饑迎秋穫鄰謳相夜舂田翁有真意一笑酒中逢

周紫芝

越臺夜雨

夜暗秦淮雨燈昏越女祠寒窗歸夢短秋枕客情知鳧  
雁初何定雞蟲事亦卑明朝江上去重理釣魚絲

二月二十八日雪晴步上西山亭示天用兄弟

二首 錄一首

山崦猶殘雪人家欲禁煙客寧嫌鳥語晴亦借花妍愁  
色連千里春風又一年亭高莫回首白髮滿江天

晚霽

翠葉看成幄濃春喚不回愁今連落絮雨欲到黃梅埽  
地花狼籍開門燕往來晴峰數點出暝色一禽催

明皇羯鼓圖

禁籞鶯聲外天袍擁御黃曲名翻荔子春色繞沉香白

雨花奴手風髻舞馬牀向來歌吹地何處是漁陽

山中避盜後十首

錄一首

翠巘幾曲折往還三數家搗皮催作紙擁焙看烘茶山  
盡始見日溪晴時露沙武陵知便是隔岸有桃花

春寒

寒意苦未解春陰連晝靈文書堆午枕風雨閉寒齋花  
落空驚眼愁多欲滿懷客情須一醉安得酒如淮

次韻戒叔增明閣晚眺

朱閣瞰流水曲闌橫晚天薄雲初過雨高柳却鳴蟬杖履且終日風塵今幾年莫將懷遠句重說舊林泉

早歸

野日破朝霧宿陰回暖風人家村崦外春夢竹輿中天碧鷺斜起水深桃卧紅山陰幾巖壑應接自無窮

暝立

山隔湖邊路人棲柳下扉船從几席過燕掠水波飛鳥亦昏纔定牛知晚自歸幽人常暝立日日到斜暉

倚杖

雨脚收寒久東風倚杖頻  
浪翻隻鷺起船過小鷺嗔  
客飯長腰米林居折角巾  
澆山一掬淚回灑故鄉春

春事

春事無多日江村有數家  
等閒飛燕子容易落梨花草  
色過薄雨柳陰銷淡霞  
詩成不歸去暝立看棲鴉

秋雨連日

老鬢風吹急愁雲帶雨飛  
白添平岸水紅掩徇幽扉  
力

盡方謀食天寒未授衣此身慙社燕秋晚亦能歸

薄暮

睡熟不知雨夢殘無限涼鶯飛時到眼鶯起不成行  
瓜熟分蒼玉蓮香擘翠房掃門還待月近水更移牀

靜夜

家與重湖近門當永夜開鷺隨波浩蕩人共月徘徊  
曉色催星落飛雲帶雨來長鬚汲水去小艇得魚回

老日

老日那容惜晴光到眼休  
蠶知今日浴麥復幾時收  
黃犢分青草花鳧趁綠溝  
誰能更歸得已是一春留

苔雪舟中再賦二首

故國辭家遠苔溪轉柁深  
交遊千里隔歲月二毛侵  
滿意悲煙樹移時看水禽  
唯應陸魯望相見可知心  
雲暗千家樹寒生兩岸秋  
水翻波入戶人靚玉明樓  
山色遮愁眼荷香滿客舟  
水晶宮裏夢還作此生遊

船曉

暝鳥驚飛急孤舟犯曉行  
柁牙侵月白帆腹受風輕  
雲破千峰出秋隨一雨生  
倚檣誰共語蓬首看參橫

臨安道中晚晴書所見二首

客路鄉關遠雲山暮色添  
秋高尚寒薄雨過却風恬  
附隴田成陞傾崖水作簾  
此行殊不惡未愧賈胡淹  
何日王摩詰瀟湘畫短屏  
扁舟橫遠壑晚翼在青冥  
木杪收殘照雲間得數星  
吳姬不驚客拜月下中庭

聞耘老猶在雪川

湖上雖相見重來失後期  
風塵為客久舟楫送歸遲  
雁遠無消息梅殘惱別離  
何時酌君酒爛漫說新詩

寄李司農二首

李若虛嘗為司農少卿  
後守宣晚謫居新安

東閣當年夜華燈照別樽  
斷碑思雁墦佳客媿龍門  
豈料三吳路相逢一水邨  
只今懸望眼猶欲黯離魂  
徽水定何處謫官今幾時  
長沙應有賦南澗可無詩  
柳絮催春遠梅花寄客遲  
誰憐憶公久頭白少相知

與王漕乞張右史集

文采推前輩兒童識姓名日邊張右史江左謝宣城自  
恨空飄泊無由見老成著書如可得尚足慰平生

曉雪

湖色催清曉風前一雪輕不妨梅自笑要與水爭明萬  
木雲遮盡千巖玉琢成可憐青竹葉寒甚與誰傾

奉答相之再示兩詩

錄一首

老媿才多盡人愁雨不來酒尊無客把詩卷為君開山  
色螺分翠江濤雪擁堆新篇慰愁眼喜色動寒杯

三月二日同遊西湖諸公有詩次韻

水遶青山寺人攜白玉觴  
晴春方爛漫醉眼自微茫  
舟穩欺風軟杯深送日長  
誰家載歌管紅袖立斜陽

春意二首

客思知多少衰年倍感傷  
寒猶噤鳥語雨不聽花香  
去路如天遠春愁著斗量  
擬拋彭澤印掛席上歸航  
雨細無多子雲間又夕陽  
鳥呼高枕夢花醉老人腸  
倩酒推愁去憑詩伴日長  
王孫歸未得草色自東牆

謝陳仲襄主簿惠詩卷

霜雪頻欺老芝蘭日鬪芳官猶似仇覽句擬學韋郎郊  
島無前輩曾劉可雁行他年尚相見此地必升堂

次韻元相閱猥藁見贈二首

無物能娛老冥搜興謾長數莖空撚頷一瓣與誰香歲  
月搔霜鬢鶯花惱客腸更哦秋入句聊欲伴啼螿

挽得飛來句頻哦送夜長詩今逼何遜人亦似黃香擬  
答琅玕贈慙無錦繡腸秋風又撩客啾唧動寒螿

定居

時已卜  
築九江

扶病翻書卷，移家枕斷城。  
雲空千嶂曉，門靜一江橫。  
葉密催春事，花飛惱客情。  
暮霞將霽色，報我作山行。

晚眺

望極應千里，人家自一邨。  
客帆何處落，鄰碓隔煙聞。  
山自秋來瘦，江從雨後渾。  
平生幽獨意，容易却銷魂。

王庭珪

秋夜同子康登辰州城樓

殘夜不能寐起登城上樓山銜半江月風撼九天秋鵲  
已棲高柳人猶棹小舟誰云羣動息漁子正垂鈎

春日遊鵲湖山

風起羣木末花開兩壁香山深雲影變人靜鳥聲長紺  
殿橫崖起飛泉噴玉光扣門僧出定彈指下禪牀

送妙空大師往郴陽省兄

遠水縈環碧秋山作劔攢取經行嶺徼飛錫下雲端風  
捲湖煙靜天高雁影寒何時一回首却為掃蒲團

清軒

竹迳有佳色耳根無市聲  
山如畫屏立水作縠紋  
生窗戶松風響園蔬杞菊馨  
夜深天更靜待看玉蟾明

和黃子餘湖南道中寄弟子默

花落黃陵廟禽聲隔岸聞  
山川湖外遠牛斗地形分  
回趨峰頭雁遙瞻嶺上雲  
惠連詩更好夢裏亦思君

頗姪明碧軒

不可居無竹開軒眼界新  
風搖碧玉玦雨解籜龍鱗  
晚

色侵書帙疎枝挂月輪客來從徑造莫問打門人

家園

野外煙光潤僧園竹徑通柳絲搖嫩綠桃雨落輕紅處  
處花如舊年年人不同自矜雙足健著屐試春風

題步雲軒

身在飛煙裏如登霄漢行雲從脚下起雷忽耳邊鳴暮  
碧佳人遠春紅晚照明能消幾兩屐當不負平生

和胡觀光聞蟬

地僻林逾靜山幽鳥不驚日高簾影重蟬噪柳陰輕

學風前翼琴傳葉下聲士龍能作賦為爾特留情

琴曲  
育葉

下聞蟬陸士  
龍作寒蟬賦

沅江上晚晴用頓子韻

急雨捎溪面輕橈轉渡頭寒鴉棲古木晚日射危樓山  
帶黔巫遠水還荆漢流晴天思無限細細數沙鷗

呂本中

雪盡

雪盡寒仍在園荒春欲歸晴空落雁小古木聚鷓鴣稀肺  
病猶堪酒囊空合典衣碧雲愁不見千里故山薇

宿青陽驛

燈火客帆盡人煙邨市幽晚風號古木高岸束黃流物  
色淮山近春光霧雨愁棲遲舊遊地來豁十年憂

遊南山歸簡張嘉父博士

吾生復何往樂事亦息息寶塿千帆外春城萬壑中亂  
花緣側徑晚照落斜空坐想西窗老掀髯一笑同

小園

小園常在眼春事已天涯雨暗堤前路苔深林外家  
曲池通小徑密樹隱殘花長愧鄰翁酒囊空尚可賒

山光寺前泊舟值雨

輕雷喚小雨憶在白沙時綠酒留連醉紅燈取次詩  
好風那復有涼月自相隨獨上山光寺清歌無柳枝

京師新鄭與諸晁兄弟往還前後數詩

夜語不嫌久凜然天欲秋客燈吹屢滅細雨落還休未

許金張並虛為鄆杜遊江湖少歸夢知為故人留

我髮日已短公愁安得長牆根春薺老瓶水臘梅香侍  
立無天女相隨有漫郎平生湖海興今夜宿連牀

令弟窮顏觸書生老仲舒相招得共處何往更安居歲  
月塵埃外桑麻雨露餘送行無別物圮上一編書

苦語相留極虛牀會宿頻山東今出相海內不無人婦  
女能尊客兒童不厭貧長途有知遇今日倍情親

海陵雜興

輕帆載曉月和夢到揚州木落山光寺江橫北固樓漫  
拋三徑隱虛有十年遊尚勝劉師命才因越女留

閒居

風土狃人住依棲縣令尊摘山春晚苦汲潤雨餘渾白  
日供高枕生涯付小園時來攜白鎚種藥兩三根

將發金陵奉懷張彥實

老矣君何往翩然我欲歸文章晚未用歲月事多違江  
接鄱陽路風吹遊子衣不應遽伯玉獨悟昔年非

歲晚

野竹新開徑疎籬自著行暮寒收雨雪落日散牛羊生  
事顏公拙才名謝奕狂藥囊無奈汝春到莫相妨

陳與義

年華

去國頻更歲為官不救飢春生殘雪外酒盡落梅時白  
日山川映青天草木宜年華不負客一一入吾詩

茅屋

茅屋年年破春風歲歲來  
寒從草根退花值客愁開  
時序添詩卷乾坤進酒杯  
片雲無思極日暮却空迴

酴醾

雨過無桃李唯餘雪覆牆  
青天映妙質白日照繁香  
影動春微透花寒韻更長  
風流到尊酒猶足助詩狂

放慵

暖日薰楊柳濃春醉海棠  
放慵真有味應俗苦相妨  
宦拙從人笑交疎得自藏  
雲移穩扶杖燕坐獨焚香

試院書懷

細讀平安字愁邊失歲華  
踈踈一簾雨淡淡滿枝花  
投老詩成癖經春夢到家  
茫然十年事倚杖數棲鴉

寒食

草草隨時事蕭蕭傍水門  
濃陰花照野寒食柳圍村  
客袂空佳節鶯聲忽故園  
不知何處笛吹恨滿清尊

雨

沙岸殘春雨茅簷古鎮官  
一時花帶淚萬里客憑欄  
日

晚薔薇重樓高燕子寒惜無陶謝手盡力破憂端

西軒寓居

牢落西軒客巡簷費獨吟桃花明薄暮燕字鬧微陰  
辛苦原吾事江湖更此心小窗隨意寫蛇蚓起相尋

雨

忽忽忘年老悠悠負日長小詩妨學道微雨好燒香  
鶻鵲移時立庭梧滿意涼此身南復北彷彿是他鄉

岸幘

岸幘立清曉山頭生薄陰亂雲交翠壁細雨濕青林時  
改客心動鳥鳴春意深窮鄉百不理時得一閒吟

雨

雲起谷全曙雨晴山復明青春望中色白澗晚來聲遠  
樹鳥聲集高原人獨耕老夫逃世久堅坐聽陰晴

夜賦寄友

賣藥韓康伯談經管幼安向來甘寂寞不是為艱難明  
月扶疎樹空園浩蕩寒細題今夕景持與故人看

道中

雨勢收還急溪流直又斜迢迢傍山路漠漠滿林花破  
水雙鷗影掀泥百草芽川原有高下隨處著人家

泛舟入前倉

曾鼓鹽田棹前倉不足言盡行江左路初過浙東邨春  
去花無迹潮歸岸有痕百年都幾日聊復信乾坤

蒙知府寵示秋日郡圃佳製遂侍杖履逍遙林

水間輒次韻四篇上瀆台覽

錄二首

歲月移文外，乾坤杖履中。鏗然五字律，健在百夫雄。秋

入池深碧，寒欺葉遞紅。此間兼吏隱，端不減遊嵩。

客有游嵩

山者歸以語公公  
以不得遊為恨

鳥語知公樂，晴山及我遊。盡排物外事，操作酒中浮。菊蕊離雙鬢，林聲隱四愁。騷人例喜賦，正自不關秋。

曾幾

細雨

霖霖無人見，芭蕉報客聞。潤能添硯滴，細欲亂爐薰。竹

樹驚秋半衾裯愜夜分何當一傾倒趣取未歸雲

雨夜

一雨遂通夕安眠失百憂窗扉淡欲曉枕簟冷生秋  
畫燭爭碁道金尊數酒籌依然錦城夢忘却在南州

謝人送壑源絕品云九重所賜也

三伏汗如雨終朝霑我裳誰分金掌露來作玉溪涼  
別甌軟炊飯小爐深炷香麴生何等物不與汝同鄉

嶺梅

蠻煙無處洗梅蕊不勝清顧我已頭白見渠猶眼明折  
來知韻勝落去得愁生坐久江南夢園林雪正晴

鄧帥寄梅併山堂酒

甓社湖邊路詩筒得報回舊時雲液酒新歲雨肥梅不  
是園官送真成驛使來鬢毛都白盡更著此花催

次韻雪中

積雪何所待凍雲終未開有時聞瀉竹無路去尋梅只  
欲關門卧誰能蕩槳來辟寒須底物正乏麴生才

種竹

近郊蕃竹樹手種滿庭隅  
餘子不足數此君何可無  
風來當一笑雪壓要相扶  
莫作封侯想生來鄙木奴

所種竹鞭盛行

獨遠箕箒徑令人喜欲顛  
已持蘇老節更著祖生鞭  
傍舍應除地新梢擬上天  
真成時夜卵煨茁想明年

沈與求

別羣從

十年勞遠夢今日又征鞍  
雨入花梢困風生麥浪寒  
飄零逢酒怯老大別家難  
去矣功名事終須把鏡看

到吳

三載故鄉別歸帆恰到吳  
食寒新火換天濶斷雲孤  
酒市低依岸漁村遠帶湖  
碧山千萬疊翻憶夢崎嶇

次韻盧憲小雨

狂風初作惡小雨似知時  
破睡心常折呼愁眼易飢  
勃姑穿渡急鴉舅出林遲  
春事今如此幽尋有底期

倦夜

獨坐苦無賴，開軒懷抱空。  
徘徊簾上月，淅瀝竹間風。  
清影迷篝火，哀音咽砌蟲。  
怪來寒刺骨，霜氣已冥濛。

舟行即事

逗帆風借力，入坐水浮光。  
村落知多少，郵亭自短長。  
跳魚吹暗浪，浴鷺耿殘陽。  
又是吾廬遠，相看思渺茫。

舟過北塘

嫋嫋輕颺動，娟娟佳月生。  
岸回雙樹暗，村遠一燈明。  
過

雁參差影跳魚潑刺聲停橈且勿去吾意不勝清

秋懷

庭柯脫翳葉歸翼斷經過水檻清漁罟風櫺響藥蘿傲  
霜荷柄少團露橘叢多秋色遂如此愁城今幾何

程俱

山近

山近雲多態身閒夢亦幽紙窗先得曉布被最知秋海  
眼來陰冷雲根逗暗流結茅容我卜投老為君留

王之道

蒙城早行

殘月千家閉荒城萬木號  
舉頭華蓋盡回睇啟明高野  
迴霜迎面風清冷透袍  
十年河上路仗此步金鰲

沈晦

竹谿嶺

三月亂山中崎嶇處處同  
溪流因雨漲木葉著霜紅  
人跡千巖絕松聲萬壑空  
尋幽自可問不復歎途窮

陳淵

宿仙霞聖仙寺呈伯思子靜

風物吾鄉似山川地勢分稻畦翻碧浪麥壠布黃雲  
客舍常爭席山僧獨獻芹茅柴餘瀝在聊餉僕夫勤

自建寧泛江至石首

江注天圍盡舟排浪陣輕岸容疎柳色秋氣斷鴻聲  
風日雖堪愛雲煙易妬晴鱸魚如有興好在未知名

九日登莊樓

久客驚秋意天涯思不窮三年猶北國萬里對西風時  
序悲歌裏乾坤醉眼中黃花一樽酒千古此心同

御選宋詩卷三十八

謹案第三十八頁前八行上瀆台覽刊本脫此四字據簡齋詩集增





總校官庶吉士臣侍 胡

校對官檢討臣蕭九成

謄錄舉人臣李 駟

欽定四庫全書薈要

集部

御選宋詩卷三十九

詳校官原任主事<sub>臣</sub>李斯咏



欽定四庫全書薈要卷一萬八千三百四十六

具部

御選宋詩卷三十九

五言律詩五

朱弁

元夕有感

朔雪餘千里東風徧九州  
關河中土異燈火上元愁  
綠蟻嘗新釀青貂戀故裘  
紫姑無用卜世事正悠悠

白髮

白髮使車前煙波思渺然霜清獲稻日風急授衣天客  
館但愁坐釣舟誰醉眠乘槎會有便直到斗牛邊

十七夜對月

病骨怯風露愁懷厭甲兵人居絕域久月向此宵明輪  
仄初經漢光分半隱城遲遲不肯下應識異鄉情

獨坐

草凍慵抽碧桃癡懶暈紅黃雲猶漢野紫塞漫春風使  
節空留滯侯圭未會同堦除雪不掃獨坐數歸鴻

寒食

絕域年華久，衰顏淚點新。  
每逢寒食節，頻夢故鄉春。  
草綠唯供恨，花紅只笑人。  
南轅定何日，無地不風塵。

重九

九日今何地，寒深紫塞霜。  
敢嫌蘆酒濁，且對菊花嘗。  
歲月雙蓬鬢，乾坤百戰場。  
賜莫知未舉，夢自識鴛行。

次韻子文秋興

逸興常時有，逢秋一倍多。  
山長含楚雨，天遠接吳波。  
尋

壑同元亮浮家伴志和釣竿行入手還著向來蓑

冬雨

冬雨不成雪北風寒未深山藏千疊秀雲結四垂陰迴  
洒凌朝閣殘聲入夜衾端能洗兵甲足慰此時心

曹勛

示諸子

霜入晴雲暖水生掠岸沙卑枝間剪橘幽徑試尋花客  
路人情薄鄉關去路賒只應托諸子莫倦問桑麻

獨步南園寄子忱

野老悲春事相如復倦遊  
肯來傾濁酒同與散清愁  
遠岸重重柳晴江處處舟  
飛紅殘照晚閒倚水邊樓

上塘值清明

客路逢寒食划船鬧水干  
嬌雲易得雨暴冷不成寒  
白水連天去繁桃觸目看  
朝來有家信稚子報平安

山居雜詩

閒裏心情拙還知興自嘉  
饑鴉時立檻野蝶自尋花  
客

至聊從飯僧來不厭茶晚煙時竚立列岫映餘霞  
老去情懷懶脩然見此翁閒窗千里月脩竹一簾風事  
與孤鴻遠心將止水同故人如問信癡坐正觀空

冷趁西風便雲趨南國深相春聞野唱漂絮擊溪砧小  
立遲殘照閒愁倦寸心新亭有耆舊應共惜花陰  
林泉久自得窗戶向深幽不復嫌村酒何能有客愁夕  
陽烘遠水飛絮挾輕鷗杖履歸從晚柴門月一鉤

朱松

解汲舟

上國經年客春流一棹波已醒離帳酒猶記客亭歌水  
枕殘歸夢霜衾擁獨哦蓬窗橫落月作意傍人多

淮南道中微雪

密密雲陰合斜斜雪態妍似欺春力淺故傍客愁邊宿  
鳥投村暝寒梅抱蕊鮮無人命尊酒清絕裊茶煙

寒食

粥冷春飭凍泥開臘酒斟故鄉空淚滿華髮正愁侵山

金  
五  
丁  
人  
之  
二  
卷三十九  
暝雨還住煙孤村更深誰知江海客浩蕩濟時心

朱棹

竹醉日懷故山

一室真容膝何人客子猷土浮迎竹醉雲靜對山羞無  
地青歸幌他年翠繞樓且從鄰寺去煙雨看沙鷗

夏夜極涼

素簡久辭夜清風先戒秋稻深羣蛤吠草暗一螢流舌  
在殊無計心空尚有求按圖尋分野楚尾見吾州

鄭剛中

故居

北山三十里憶得舊書堂  
小徑通蔬圃新醅壓酒牀  
晚涼荷葉嫩細雨橘花香  
此夢今何許隨緣又一方

栽竹

信緣移老竹觸暑種瓜根  
小雨回生意蒼苔覆屢痕  
影還隨舊葉涼已到清尊  
相對如佳友何妨儘閉門

哦詩

怕醉還思醉哦詩未得詩過雲飛雨急斜照晚涼遲嫩  
綠開荷葉新紅入荔枝躊躇搔短髮倚檻立多時

重五

異鄉逢五節卧病此哀翁竹筍迸新紫榴花開小紅山  
深人寂氣潤雨濛濛煮酒無尋處菖蒲在水中

闌暑

闌暑秋郊暮前山瘴霧中猿猴都下飲鳥雀未歸叢弄  
影試新月披襟招好風銀潢向何夕零露溼梧桐

春晝

深村春晝永事事不相關  
花少蝶蜂瘦水清鷗鷺閒  
栢香薰紙帳竹枕傍屏山  
付與儵然夢樂哉天地間

寒意

嶺南霜不結風動是霜時  
日落晚花瘦山空流水悲  
棲鴉尋樹早凍蟻下窗遲  
季子家何在衣單知不知

幽趣十二首

錄二首

幽趣無人會閒居我自知  
筍尖穿落葉花蕊掛游絲  
寒

在蜂來少風斜燕不遲老夫無定力破戒為題詩  
幽趣無人會雲依遠岫行寒塘時撥刺古木屢敲鏗  
壁  
敲拖涎鈍花飛度粉輕山泉烹石鼎孤啜不勝情

高登

夢遊故山

風際斃披鶴雲根杖策鳩幽棲知好在歸夢故難留  
山  
放數峰出泉分一派流把茅何日辦縛屋護松楸

張綱

對月

蓬鬢秋風老柴門轍跡踈誰同今夜月望絕故人書止  
酒愁元亮何心賦子虛得詩還喜誦習氣未全除

夜雨

夜雨妨清夢疎簷滴細聲幽懷無客語偶坐有琴橫水  
濶柴荆迴風高雁鶩驚感時思報主材薄愧平生

日暮

地偏車馬靜門閉水雲深野艇收晴網村春續暮砧危

腸逢酒怯病骨畏寒侵又見鴉歸盡誰賡梁甫吟

月夜

漁火前村近秋砧靜夜多山煙歸宿鳥水月動明波燭  
短催詩急樽空若客何抱愁眠不穩林影半牀過

次韻彥達折梅

信步尋梅約欣逢壓雪枝春藏紅萼小寒晉暗香遲畫  
角傳新曲妝臺斂翠眉廣平心不動唯許筆端知

歲暮

忽忽歲云暮霏霏山雨頻鳥啼茅舍靜梅映竹籬新陋  
巷無深轍清醕有善鄰中原消息斷聊與醉鄉親

次韻洪總領題花信亭得江樓

誰為傳花信新亭破睡風春回芳意早客到賞心同酒  
盞搖江綠詩箋照坐紅無由接歡宴危坐正書空

胡銓

登南恩望海臺

君恩寬逐客萬里聽歸來未上凌煙閣先登望海臺山

為翠浪湧湖拓碧天開目斷雲飛處終身愧老萊

張九成

遊南路菩提寺次刁文叔韻

高僧居物外有戶晝常扃海近知天濶泉甘識地靈一  
簾春月靜數點列山青便卜歸與計移文漫勒銘

雙秀峰

且向城西去休驚雨濺空亂山明滅外古刹有無中笑  
指雙峰翠迴看落日紅中興喜無事歌管莫怱怱

過報恩寺

籃輿訪蕭寺煙暝漲春空  
遠樹樓頭綠殘霞山外紅  
昏鐘發林杪人語殷橋東  
回首都無跡浮生真夢中

雨

已止還復作瀉簷聲更長  
苔錢添晚翠梅子試新黃  
屋裏圖書潤庭前蘭芷香  
倚欄閒覓句水閣夜生涼

黃公度

家僮歸得王慶長  
宓消息知留浙中秋舉賦此

寄懷

倦僕去復返，憐君歸未能。  
吟餘幽砌月，夢破短檠燈。  
地僻人稀到，書成雁莫憑。  
秋風霜翮健，天未看飛騰。

倚薄

茅簷供倚薄，藜杖任扶攜。  
天入平蕪濶，山含宿霧低。  
樹聲風曲折，野色晚淒迷。  
容易營生事，秋田稻欲齊。

和鄭叔友厚題真如

南郡趨新幙，微官愧野人。  
客懷投寺晚，歸夢到家頻。  
歲

月看蓬鬢塵埃聽葛巾相隨一盃酒且慰百年身

三月三十日郊外即事

雨積稻畦白晴添麥隴黃野橋排雁齒山路轉羊腸鳥  
語有時好田家隨事忙一年春盡日身迹更他鄉

壬戌中秋泂檄行縣與龔實之同宿於琴泉軒  
搖落江城暮招提訪舊遊泉聲終夜雨竹影一弦秋露  
湛衣裳冷山空枕簟幽故人憐寂寞抱被肯相投

晚泊桃源驛奉懷幕府諸公

下馬泊孤亭人煙接古城  
半村留晚照萬壑送秋聲  
風月思元度文章愧長卿  
桃源何處在山驛至今名

冬日道間

歲熟牛羊飽村寒鳥雀呼  
霜餘山骨露水落澗毛枯  
歸艇收魚網行人問酒壚  
微軀任南北未覺旅懷孤

劉子翬

巖桂

涼颼振遠村寂寞度清芬  
山路不知處月窗時夜聞  
孤

根寒抱石落子半飄雲袖手空延佇無才可賦君

送曾彥思減罷赴闕

馬首成南渡西風木葉踈去程煙雨外孤館別離初未  
試平戎策空懷逐客書漢皇方問賦誰復薦相如

疊嶂

益遣歸心快愁霖喜乍晴樹陰迎馬合波影照人清不  
見雲山路時聞樵斧聲暮雲偏自急相伴隔溪行

同張守謁蔡子強觀硯論琴偶書

共造中郎室明窗玩好奇硯珍鐫子石琴古斷孫枝篆  
鼎香飄遠茶甌味轉遲自慙塵土累清話得移時

途中

小市猶依海橫橋欲跨汀雨餘榕徑冷春晚芋田青薄  
宦低豪氣浮生惜壯齡急流歸不得憂患飽曾經

次張守韻

瓦白霜封縞波清月漾金柝沈秋壘靜人語夜堂深故  
國歸何日寒衾事滿心庭松憐手植擢幹已彌尋

次韻張守梅詩

破雪梅初動南枝更北枝  
傍牆應折盡背日較開遲  
曉角驚殘夢春愁占兩眉  
狂風將落蕊故入畫樓吹

與原仲至交溪橋

倦憇春橋午回環翠碧重  
亂溪流背海新柳色欺松  
厭市常思野為官不及農  
喜逢湖上客談話得從容

寄蜀

有客傳歸信愁懷得暫寬  
兒童占鵲喜鄰里借書看  
離

蜀秋方半浮湘歲欲闌柴門頻洒掃夢想見征鞍

道中

微風收宿靄細路遶平臯石亂春流急山寒曉月高  
鳥聲時出樹花氣欲侵袍行役無清賞驅馳未覺勞

訪原仲山居

寂寂臨湖屋湖風為掩門鳥聲幽谷樹山影夕陽村  
好事長留客雖貧亦置尊平生枯澹意去此欲誰論

致明攜酒來雲際

有客攜家釀敲門訪病翁一春寒食過幽寺晚晴中嫩  
竹扶簷綠殘花蓋地紅牢愁賴君破歸意莫怱怱

次長汀壁間韻

竄鼠驚殘夢蕭蕭老屋虛風聲傳遠瀨寒意入秋蔬客  
路漂搖入歸身憔悴餘西窗滿殘照髣髴似吾廬

羅願

望梅亭

南安軍未至庾嶺有亭名望梅兄端翔權軍事時所作

節物重陽候風塵庾嶺頭休論梅子雨纔度菊花秋翠

壁堪橫絕。幽亭勸小留。謀生兄弟拙。一一傍南州。

次韻酬通判劉兄岳陽樓見懷二首

蓄納深無際。憑臨勢易高。青春闢氣象。白日散風濤。有  
野張軒樂。何人續楚騷。古來川浸在。閒却漢陰棹。

魚龍掀舞後。渺莽記空庭。地帶三苗濶。山傳二女靈。客  
懷光水月。詩筆妙丹青。少作揚雄悔。惟思草一經。

鄭樵

鄉林閒居

薌林蒼翠甚極目可吟詩梅子風前落杏花雨後移清  
溪通半郭孤月隱踈籬寂寂雲山外蕭然獨自知  
薌林蒼翠甚霽色繞吾廬四面鳥聲寂一庭月影踈有  
山皆入座無日不安居好向東牆卧看人獻子虛

晨雨

東方斜未徹暝色淡初分宿鳥林中噪淒風葉上聞鐘  
鳴催過雨星落避行雲獨立草堂內涓涓羣動紛

張公祈

渡湘江

春過瀟湘渡真觀八景圖雲藏岳麓寺江入洞庭湖晴  
日花爭發豐年酒易沽長沙十萬戶遊女似京都

蘇籀

和卷中韓子蒼梅花

先開媚晴昊孤豔斷魂時遶樹沈煙度凌寒檀暈披參  
橫明月觀雪細影娥池結實冥冥雨君看雀啁枝

王銍

曉踏

曉踏河堤月逢人問去舟已為羈旅客更免別離愁索  
寞憐同姓丁寧數舊遊欲知幽獨意風露滿城秋

寄洪駒父

江山霜落木千里一身歸去國憐張翰回舟為陸機煙  
林無際遠寒葉有聲飛何必少陵老悲傷未拂衣

徐師川典祀廬山延真觀用送駒父韻餞別

康阜如蓬島欲尋風引歸煙蘿猿嘯月雲碓水鳴機刺

結餐霞侶深隨杖錫飛謝公行樂處山翠撲人衣

幽居

幽居寂無事晨起伴僧禪曉澹巖前月秋明水底天望  
鄉書斷雁問路客回船阻絕平生友清遊有夢傳

寒食

故國千峰外孤舟一水濱天涯未歸客江上欲殘春雁  
去銷魂久花開墜淚頻東風吹晚雨芳草路邊人

小立

茅屋藤蘿外憑欄煙靄間  
亂蟬催暑去急雨帶秋還  
路入雙溪口門當四面山  
詩成題未有翰墨伴清閒

范浚

登富陽觀山亭

弭棹依寒渚臨亭俯碧川  
嘶雲征海雁椎鼓過風船  
水濶天低樹山空日暝煙  
擬題江似練終愧謝公賢

雨後出郊

晴景收林靄春郊賸物華  
麴塵官道柳粉豔野牆花  
竹

裏草亭古沙邊苔徑斜遣心知有處發興渺無涯  
扶輿穿密竹度約過前溪霽色煙橫野春聲水遠畦映  
山行白鷺遷木韻黃鸝客裏貪幽事歸時日已西

遊南山晚歸

荒荒日已暮迴首興何長襪履分乾穉森疎嘯折筥水  
枯山石露風晚野花香歸卧前簷下詩成小雨涼

次韻茂永兄首夏新晴

燕落雨知節鳩鳴天欲晴行雲飛斷碧斜日漏微明筍

上竹三徑苗肥田一成野人知得飽索酒坐班荆

春望

岑樓上獨園高檻俯平原野秀風煙合春深草木繁晴  
山明歷歷遠水去渾渾興出青冥外心隨獨鶴翻

張生夜載酒相過

夜卷一鈎簾衣寒覺露露未經風割面且看月磨鎌玉  
梳鸞兒酒花磁虎子鹽張公雞黍舊歡笑了無嫌

周必大

沈作式署園

宮槐分影直官柳著行疎畫棟飛翬遠晴霞散綺餘池  
邀山簡馬水勝武昌魚只恐封泥召驂鸞上帝居

元宵煮浮圓子前輩似未曾賦此坐間成四韻  
今夕是何夕團圓事事同湯官尋舊味竈婢詫新功星  
燦烏雲裏珠浮濁水中歲時編雜詠附此說家風

再賦

時節三吳重勻圓萬里同溲浮雖有法烹煮豈無功杜

喜雲抄白徐妨酒復中策勲俱是林適口不同風

贛州

跡落荒郊地艱危分飽經盤渦隨權舞驚浪濺船零石  
亂舟繞過峰迴眼漫青晚來荒浦宿愁緒轉冥冥

楊謹仲教授和徐師川中秋賞月詩邀余次韻

浥露清如洗明河淨不流珠圓合浦夜潮盛浙江秋

盧肇

賦八月望潮最盛

朗詠陳王賦幾成法善游廣寒非獨冷莫為

客羶謀

尤袤

梅花

冷豔天然白寒香分外清  
稍驚春色早又喚客愁生  
待索巡簷笑嫌聞出塞聲  
園林多少樹見爾眼偏明

臘梅

破臘驚春意凌寒試晚妝  
應憐脂粉白故染麴塵黃  
綴樹蜂懸室排筍雁著行  
團酥與凝蠟難學是生香

范成大

晚步東郊

水墨依林寺青黃負郭田斜陽猶滿地片月早中天策  
策鴉飛急冥冥樹影圓西山原自好那更著雲煙

道中

月冷吟蛩草湖平宿鷺沙客愁無錦字鄉信有燈花蹤  
跡隨風葉程途犯斗槎君看枝上鵲薄暮亦還家

寒食郊行書事二首

野店垂楊步荒祠苦竹叢鷺窺蘆箔水鳥啄紙錢風媪

引濃妝女兒扶爛醉翁深村時節好應為去年豐  
隴麥欣欣綠山桃寂寂紅帆邊漁蕝浪木末酒旗風信  
步隨芳草迷途問小童賞心添脚力呼渡過溪東

賞心亭再題

天險東南重兵雄百二尊拂雲千雉繞截水萬崖奔赤  
日吳波動蒼煙楚樹昏向無形勝地何以控乾坤

南樓望雪

夜月流瑤圃春風滿玉都籬疎先剝落樹密正糝糊亂

點橫煙雁驚啼失木鳥醉魂方浩蕩風袖不支梧

花山村舍

潦退灘灘露沙虛岸岸頽澗聲穿竹去雲影過山來柳  
菌粘枝住桑花共葉開庵廬少來往門巷濕蒼苔

送陸務觀編修監鎮江郡歸會稽待闕

見說雲門好全家住翠微京塵成歲晚江雨送人歸邊  
鎖風雷動軍書日夜飛功名袖中手世事巧相違

新津道中

雨後郊原淨村村各好音宿雲浮竹色清溜走橙陰曲  
沼擎青蓋新畦藝綠針江天空濶處不受暑光侵

豫章南浦亭泊舟

繡檻臨滄渚牙檣插暮沙浦雲沈斷雁江雨入昏鴉野  
曠天何近春寒歲未華來朝風一席隨處且浮家

夜發崑山

歲寒人槿戶霜重獨登舟弱櫓搖孤夢疎篷蓋百憂但  
吟今不樂寧計幾宜休慚愧沙湖月年年照薄遊

金山嶺

阪險身頻偃，崖深首屢回。  
雲浮平地出，路拂半天來。  
但閱關山過，都忘歲月催。  
湘南初上馬，猶插早春梅。

嘉陵江過合州漢初縣下

井徑東川縣，山河古合州。  
木根擎斷岸，急雨沸中流。  
關下嘉陵水，沙頭杜老舟。  
江花應早在，無計會江樓。

小溪縣

刈麥千平隴，橫槎一小溪。  
梓花紅綻碎，粟穗綠垂低。  
村

婦猶多跌山猿遂少啼東川雖已過錦里尚雲西

鞭春微雨

幡勝絲絲雨笙歌步步塵一年新樂事萬里未歸人雲  
薄竟慳雪酒濃先受春送寒東作近慙愧耦耕身

戲題索橋

織簞勻鋪面排繩強架空染人高曬帛獵戶遠張罾薄  
薄難承雨翻翻不受風何時將蜀客東下看垂虹

夜泊歸州

州有宋玉宅昭君臺

舊國風煙古新涼瘴癘清片雲將客夢微月照江聲細  
和悲秋賦遙憐出塞情荒山餘闕閱兒女擅嘉名

梅根夾

辛苦凌波棹平安入夾船日明漁浦網風側瓦窰煙老  
圃容挑菜村巫橫索錢且投人處宿終夜得佳眠

詠吳中二燈

琉璃毬

龍綜練水繭魚文鏤玉英雨絲風外縞雲網日邊明疊

暈重重見分光面面呈不深閒裏趣爭識箇中情

萬眼羅

弱骨千絲結輕毬萬錦裝綵雲籠月魄寶氣繞星芒檀  
點紅嬌小梅妝粉細香等閒三夕看消費一年忙

春晚即事留游子明王仲顯

繡地紅千點平橋綠一篙棟花來石首穀雨熟櫻桃笑  
我生塵甌慙君有意袍故人能少駐門徑久蓬蒿

陸游

溪行 錄一首

篷翁鳴春雨帆蒲挂暮煙買魚爭近市覓火就鄰船愁  
卧醒還醉灘行却復前長年殊可念力盡逆風牽

自來福州詩酒殆廢北歸始稍稍復飲至永嘉  
括蒼無日不醉詩亦屢作此事不可不記也

尊酒如江綠春愁抵草長但令間一日便擬醉千觴柳  
弱風禁絮花殘雨漬香客遊還役役心賞覺茫茫

送查元章赴夔漕

柳色西門路看公上馬時亦知非久別不柰自成悲白  
髮劉賓客青山杜拾遺分留端有待剩賦竹枝詞

晚泊慈姥磯下二首

錄一首

山斷峭崖立江空翠靄生漫多來往客不盡古今情月  
碎知流急風高覺笛清兒曹笑老子不睡待潮平

統分稻晚歸

薄酒不自酌夕陽須汝歸橘包霜後美豆莢雨中肥路  
遠應加飯天寒莫減衣老懷憂自切道眼看皆非

夜思

露泣啼螿草潮生宿雁汀  
經年寄孤舫終夜託丘亭  
楚澤無窮白巴山何處青  
四方男子事不敢恨飄零

秋風

秋風吹客檣節物歎遐方  
歲事忽云暮吾行殊未央  
霜清漢水綠日落楚山蒼  
此去三巴路無猿亦斷腸

沙頭

游子行愈遠沙頭逢暮秋  
孫劉鼎足地荆益犬牙州  
鼓

角風雲慘江湖日夜浮此生應袞袞高枕看東流

移船

沙際舟銜尾相依作四鄰暮年多感慨分路亦酸辛折  
竹占行日吹簫賽水神無勞問亭驛久客自知津

憑欄

蟬鳴晚尤壯鴉棲久未安不成浮舴艋故作憑欄杆露  
重傾荷蓋風尖蹙芡盤新秋動歸思更覺五湖寬

泛溪船至巴東

溪船莫嫌迳船迳始相宜兩槳行何駛重灘過不知荒  
村寇相縣破屋屈平祠不柰新愁得啼猿挂冷枝

夜坐庭中

人靜風寒慢更闌露泣衣暗窗饑鼠齧空廡冷螢飛歲  
月背人去鄉閭何日歸脫巾還感慨殘髮不勝稀

秋晚病起

心靜病良已翛然巾履輕灰深地爐煖日出紙窗明宿  
雨全消瘴新霜賸得晴井梧深可念無葉送秋聲

劍門關

劍門天設險北向控函秦客主固殊勢存亡終在人棧  
雲寒欲雨關柳暗知春羈客垂垂老憑高一愴神

摩訶池

摩訶古池苑一過一消魂春水生新漲煙蕪沒舊痕年

光走車轂入事轉萍根猶有宮梁燕銜泥入水門

蜀宮  
中舊

泛舟入此池曲折十餘里本府  
後門雖已為平陸然猶號水門

晚雨

蕭瑟度橫塘  
霏微映繚牆  
壓低塵不動  
灑急土生香  
聲入楸梧碎  
清分枕簟涼  
回頭忽陳跡  
簷角掛斜陽

晚步湖上

雲薄漏春暉  
湖空弄夕霏  
沾泥花半落  
掠水燕交飛  
小倦聊扶策  
新晴旋減衣  
幽尋殊未已  
畫角喚人歸

江樓

急雨洗殘瘴  
江邊閒倚樓  
日依平野沒  
水帶斷槎流  
擣紙荒村晚  
呼牛古巷秋  
腐儒憂國意  
此際又搔頭

初到荊州

萬里泛仙槎歸來鬢未華  
蕭蕭沙市雨澹澹渚宮花  
斷岸添新漲高城咽晚笳  
船窗一尊酒半醉落烏紗

夢藤驛

倦馬投孤驛一峰青  
壓門蕭條秋浦路荒陋  
夜郎村地瘴霜常薄  
林深日易昏百年常作客  
排悶近清尊

雨夜

小夜初涼夜殘燈欲暗時  
病多愁近酒心弱怯題詩  
舊

友殊方少歸耕歲晚宜回頭語孤影此意有君知

冒雨登擬岷臺觀江漲

雨氣分千嶂江聲撼萬家雲翻一天墨浪蹴半空花噴  
薄侵虛閣低昂泛斷槎壯遊思夙昔乘醉下三巴

東籬雜題

南陌歸雖久東籬興更新無求覺身貴好儉失家貧引  
水嘗終日栽花又過春桃源不須覓已是葛天民

別張教授歸獨登擬岷臺

小閣做朱扉停車暫息機行人呼晚渡幼婦浣秋衣霜  
樹欹危堞風鴉滿落暉登臨客愁裏况是送將歸

雪中登雲泉上方

滄滄雲堆上茫茫雪海中煎茶誇坐客打竹課蠻童冰  
谷鳴饑鶴煙汀立斷鴻歸來更堪喜葑火滿爐紅

雪霽歸湖上過千秋觀少留

縱轡不嫌遠逢山猶一登夕陽波渺渺殘雪墻層層折  
竹橫遮道饑鳥下啄冰欲歸還小駐倚杖對峻嶒

晨起

小雨溼清曉新鶯啼早春  
年光驚病眼節物屬閒身  
已  
峽東連楚蟠山北控秦  
遠遊端可繼敢恨素衣塵

自妙相歸將至杜甫堰舟中作

斜陽發東郭初夜轉西城  
寺閣疎鐘動漁村遠火明  
蒼  
茫林靄滅撲落水禽驚  
漸喜吾廬近遙聞過埭聲

梅雨陂澤皆滿

雨暗迷行路溪聲沒舊痕  
汪汪牛渚白盎盎酒醅渾  
暖

浸千畦稻橫通十里村  
羣蛙更堪笑鼓吹鬧黃昏

野步書觸目

村落初過雨園林殊未霜  
幽花雜紅碧野橘半青黃  
飛鷺橫秋浦啼鴉滿夕陽  
最憐山脚水撩亂入陂塘

鄰曲小飲

早稻喜登場相呼集野堂  
迎霜新兔美近社濁醪香  
茅屋滴殘雨竹籬圍夕陽  
新豐不須作真箇是吾鄉

獨立

獨立柴荆外，頽然一秃翁。  
亂山吞落日，野水倒寒空。  
憂患工催老，飄零敢諱窮。  
漁歌亦何恨，悽斷滿西風。

村舍

空谷人稀到新寒，病頓輕。  
晨霜催小獵，宿雨潤新耕。  
草莽秦馳道，雲煙越故城。  
千年不磨滅，惟有暮山橫。

骨相

骨相元知薄，功名敢自期。  
病侵強健日，閒過聖明時。  
形勝輪臺地，飛騰瀚海師。  
江湖雖萬里，猶擬綴新詩。

晨興

倦枕厭寒夜起尋殘火  
溫啾啾衆雞動耿耿一燈昏  
野氣增霜力窗光淡月痕  
早朝非老事且復灌吾園

小雨

細細濕春光霏霏破夕陽  
卧聞驚倦枕起看入虛堂  
映葉鶯猶轉爭泥燕正忙  
間愁無遣處誰與共飛觴

溪行

霜落水初澄星繁月未升  
近村聞野犬隔浦見秋燈  
多

病乃如許微寒已不勝平生鄰曲意移棹避漁罾

題跨湖橋下酒家

湖水綠於染野花紅欲然春當三月半狂勝十年前小店開新酒平橋上畫船翩翩幸強健不必愧華顛

小憇村舍

藤梢維艇子煙際覓人家小婦簪新麥羣童摘晚茶溪雲易成雨崖樹少開花聊寄平生快青鞋到若耶

平水

水悍溪橋敗沙頽野徑移年華入詩卷心事付筇枝雨  
霽鶉鳩喜春歸鷓鴣知客庖消底物麥飯薦蕪絲

郡齋偶書

白首奉魚書蕭然一事無吏間晨已散人醉暮相扶卷  
野收禾黍連江下舳艫山城君勿誚東北是皇都

晨起

衣潤薰籠煖燈殘漏箭長鳴雞帶窗月立馬怯庭霜病  
骨陰晴覺官身早夜忙火城那復夢愁絕軟塵香

過村店有感

細篾絡丹柿，枯籬懸碧花。  
炊煙生旅竈，野水漱寒沙。  
棲鳥爭投樹，歸牛自識家。  
恍然遊蜀路，搔首憶天涯。

泛湖至東涇

春水六七里，夕陽三四家。  
兒童牧鶩鴨，婦女治桑麻。  
地僻衣巾古，年豐笑語譁。  
老夫維小艇，半醉摘藤花。

湖光分別浦，嶺路過前村。  
泉石相縈帶，雲煙互吐吞。  
耕犁無易業，鄰曲有通婚。  
試覓誅茅地，吾將遺子孫。

小園獨立

草香無處覓花嫩不禁飛澤國春歸晚柴門過客稀  
新泥添燕戶細雨溼鶯衣倚杖臨階久哀翁氣力微

六七月之交山中涼甚

城市方炎熱村墟乃爾涼拂窗桐葉下繞舍稻花香  
獨鶴警秋露雙螢明屋梁卧聞機婦織感歎夜初長

思蜀

來從雲棧北行度雪山西故事談金馬遺蹤訪石犀  
閒

情澹於水豪飲醉如泥壞壁塵封遍何人拂舊題

玉食峨嵋珥金釐丙穴魚常思晚秋醉未與故人疎白

髮當歸隱青山可結廬梅花消息動悵望雪消初

余昔在捷

為師伯渾王志夫張功夫王季夷瑩上人輩以秋晚來訪樂飲旬日而去

### 山家暮春

繞屋清陰合綠堤綠草纖起蠶初放食新麥已磨鎌苦  
筍先調醬青梅小蘸鹽佳時幸無事酒盡更須添

### 初夏

筍生遮狹徑溪漲入疎籬漸及分秧候還當煮繭時雨  
昏雞共嬾米盡鼠同飢村巷無來客清羸只自知

秋夜

清夜不成寐出門還浩歌斷雲微翳月薄露不傾荷絡  
緯知時早梧桐柰汝何非關老懷惡秋物感人多

小園

新作小溪園牽藤迤縛門釣船橫北渚樵路接東村靜  
坐依林樾慵眠傍竹根還家日已夕棲雀鬧黃昏

初晴野步

入市路三叉，緣山港半斜。  
踈籬帶殘雪，幽竇瀉湍沙。  
好鳥晴相語，芳蘭暖欲芽。  
病餘無脚力，隨處憩人家。

偶書

身放江湖遠，年推閭巷尊。  
鄰翁分酒子，羽客借桐孫。  
決水消澗織，纖柳映門小。  
車非漢相時，亦到前村。

晨起

晨起梳頭嬾披衣，立草堂霧昏。  
全隱樹氣暖，不成霜灘。

急回魚隊天低襯雁行  
新春猶一月已覺日微長

方池

莫笑方池小泉清數斛寬  
照花紅錦爛洗硯墨蛟蟠日  
取供茶鼎時來擲釣竿  
秋風過欄角也解作微瀾

東村散步有懷張漢州

扶杖村東路秋來始此回  
寒鴉盤陣起野菊卧枝開  
憂國丹心折懷人雪鬢催  
房湖八千里那得尺書來

西城

市步羣囂散關門夕照明  
河流倒橋影雪野聚鳥聲  
繁杵聞深巷寒煙下廢城  
息息船盡發爭趁早潮平

悶極有作

貴已不如賤狂應又勝癡  
新寒壓酒後微雨種花時  
堂下藤成架門邊枳作籬  
老人無日課有興即題詩

晚泊

樓上嗚嗚角橋邊點點燈  
聚沙新到雁起渡獨歸僧  
日隱山光暗天低海氣蒸  
居人笑老子醉髮亂鬢鬢

幽居

雨霽雞栖早風高雁陣斜  
園丁刈霜稻村女賣秋茶  
缺井磨樵斧枯桑繫釣槎  
客來那用問此是放翁家

春行

筠帽絲絲雨芒鞋策策泥  
柳斜風帶北花斂日平西  
社酒誇新壓春蕪喜遍犁  
深村無客過父子自扶攜

春晚雜興

寂寂野人家柴扉傍水斜  
僧分晨鉢筍客共午甌茶  
燕

戶添新土蛛絲罥落花悠然便終日惟此送年華  
池面萍初紫牆頭杏已青攜兒撐小艇留客坐孤亭相  
法無侯骨生年值酒星正須遺萬事莫遺片時醒

晚歸舟中作

路入芙蓉浦家依襍村急灘雙鷺立平野萬鷗翻市  
散人爭渡僧歸寺掩門淒涼誦新句招得欲殘魂

小舟過吉澤效王右丞

澤國霜露晚孤村烟火微本去官道遠自然人迹稀木

落山盡出鐘鳴僧獨歸  
漁家閒似我未夕閉柴扉

野興

荷鋤通北澗腰斧上東峰  
秋水清見底曉雲深幾重  
蓼蓼傳社鼓渺渺度樓鐘  
歸覓村橋路詩情抵酒濃

秋晚

庭草猶殘綠溪楓已半丹  
誰知此翁健又見一年寒  
幻境槐安夢危機竹節灘  
如今渾過盡摩腹且加餐

舟中作

沙路時晴雨漁舟日往來村村皆畫本處處有詩材炊  
黍孤煙晚呼牛一笛哀終身看不厭岸幘興悠哉

露坐

落月無留照殘河亦已傾墜枝雙鵲裊黏草一螢明暑  
令忘三伏涼颺逼五更為憐荷瀉露故起繞池行

東村

雨霽山爭出泥乾路漸通稍從牛屋後却過鶴巢東決  
沙溝水翻翻麥野風欲歸還小立為愛夕陽紅

幽居初夏

路繞長堤北家居小市西  
陂塘晨飲犢門巷午鳴雞  
婦喜蠶三幼兒誇雨一犁  
衰翁亦放浪未怕屐沾泥

梅塢青黃子草陂紅紫花  
雙鵝朝戲浦羣鴨暮還家  
赤脚挑殘筍蒼頭摘晚茶  
出門逢野老滿意說桑麻

連日治圃至山亭又作五字

雞圃課僮奴爭前不待呼  
水泉經雨壯蓁莽得霜枯  
高樹鳴雙鵲清池下兩鳧  
暮年惟樂此餘念一毫無

好竹千竿翠新泉一酌冰殘蕪襯落日老木上寒藤細  
磴歌難過危欄曲可憑歸時忽已暮點點數漁燈

初夏

麥秀微寒後梅黃細雨前湖灘初集鷺堤柳未鳴蟬琴  
帶輕陰潤巾因小醉偏晚來幽興極又上釣魚船

小立

紅樹園廬晚碧花籬落秋荒陂船護鴨斷岸笛呼牛酒  
賤村村醉山寒寺寺幽聊須岸烏幘小立埭西頭

九月十八日至山園是日頗有春意

烏藤真好友伴我出荆扉  
落葉紛如積鳴禽暖不歸  
露濃松鬣長土潤木苗肥  
未盡尋幽興還家趁夕暉

舟中夜坐

風露浩無際星河澹欲傾  
遙知並船客聞我詠詩聲  
水鳥橫江去漁舟背月行  
神清不成寐隱几待窗明

秋晚

門巷清如水情懷澹似秋  
詩吟唐近體談慕晉高流  
託

命須長鏡浮家只小舟江南煙雨岸何處不堪留

獨立

午醉初醒後回廊獨立時斜陽明雨葉乳鵲裊風枝  
違俗雖堪笑師心頗自竒傍人疑徙倚向道是尋詩

幽棲

何處是幽棲城南路少西楊花穿戶入燕子避簾低  
棋局聊相對茶爐亦自攜溪頭雲易合晚雨又成泥

無客

今日了無客，翛然塵柄閒。  
硯涵鷓鴣眼，香斲鷓鴣斑。  
木落風初勁，雲低雨尚慳。  
西湖未暇到，卧看曲屏山。

晚行舍北

逆旅將歸客，扶衰取此行。  
霜濃木葉盡，水落岸痕生。  
鳧雁浮寒浦，牛羊滿晚晴。  
東村隔煙寺，杳杳送鐘聲。

明日又來天微陰再賦

河岸風檣遠，村陂牧笛長。  
短籬圍鹿眼，幽徑繞羊腸。  
照水鬚眉見，搓橙指爪香。  
衣裘又闕念，礎杵滿斜陽。

獨處

白氈敷牀穩烏藤倚壁斜  
灰深惟畫字燈暗不成花  
似客猶居里如僧未出家  
孤村夜無月何事有啼鴉

園中書觸目

氣候今年晚濃霜始此回  
殘梧未全槁晚菊有初開  
烏柏先楓赤寒鴉後雁來  
西窗夕陽暖摘摘薦新醅

烏柏未霜

而葉丹寒鴉  
必得霜乃至

訪客至近郊

訪客西郊路停車小苑門閒雲寧有雨澹日不成暄鷺  
下青蘋浦鴉啼綠樹村還家未索莫隨分具魚殮

河橋晚歸

曲巷連新市層樓近小橋青帘猶滴雨綠浦恰通潮簾  
影晴方見笙聲冷未調斜陽覓歸路偏愛玉驄驕

宿北錢清

晡時理舟楫甲夜泊錢清齋餅依然美

店家齋麪有名  
已六十年矣

漁燈特地明酒旗闌道出風浪拍船鳴未說鄉閭喜江

山亦有情

閒遊

觸熱辭行在扶衰返故丘  
亂蟬催落日病葉報新秋  
秣蹇投山驛尋詩倚寺樓  
不因行萬里那信此生浮

出行湖山間雜賦

老入新年健春逢小雨晴  
偶因尋酒去又作繞村行  
塘水蒼鶩戲郊原黃犢鳴  
閒身有樂事倚杖看農耕

露坐

略約方塘北簷簫小塹東荷盤傾夕露芡背折秋風磔  
磔禽移樹茫茫月隨空詩材隨處足盡付苦吟中

小園

蕭散遺塵事栽培得小園土鬆花意活林暖鳥言繁  
醑供晨鉢殖芹薦晚尊餘年君莫問送老向孤村

梅市

去去浮官浦悠悠數客檣蓼花低蘸水楓樹老經霜簫  
鼓迎神鬧鋤耰下麥忙城西小市散歸艇滿斜陽

東村

信脚村墟步歸來日未西  
波清魚隊密風小鵲巢低  
白水初平岸青蕪亦遍  
犁市墟多美酒飯具不須齋

舍南雜興

麻菽連枝熟柴荆盡日關  
臨池驚鷺起倚柱待雲還  
倦

憩石腰鼓行攜銅博山  
老人無定意所到即開顏

石工琢石

作杖鼓  
樣以坐

題僧庵

細路穿雲塢危橋渡野塘人稀土花碧屋老瓦松長憂  
患雙蓬鬢裝資一布囊燒薪藉餘暖今夜有新霜

秋夜

落葉鳴遙夜啼螿送暮秋不知何許笛故作此時愁青  
海三年戍黃旗萬里侯何如石帆下煙雨釣滄洲

題野店壁

斷葉投衣橐殘壺掛馬鞍寺荒尋店久橋敗涉溪寒道  
里無人問題名拂壁看平生慣行役隨處得加餐

初夏雜興

隱趣與誰論  
深居湖上村  
避蘭寧改路  
惜筍不開園  
庭草饒生意  
溪沙記漲痕  
愁來時淺酌  
隨事有雞豚

暇日登東閣

雙屨青芒滑  
輕衫白苧涼  
雲生半巖潤  
麝過一林香  
童子持棋局  
厨人饋粟漿  
歸來更清絕  
澹月滿林塘

十月十五夜對月

離海月盈丈  
寒光萬里明  
衆星斂將盡  
一鏡獨徐行  
重

露滴松鬣高風吹鶴聲老來殊畏冷不盡倚欄情

西村晚歸

小塢花垂盡平堤草次迷日長鶯語久風定絮飛低  
子響聞碁局舟橫傍釣溪歸途不知處依約埭東西

雜感

春晚晴還雨杯深醉復醒溪添半篙綠山可一窗青  
藥品隨長鏡花名記小屏間身幸無事吟嘯送餘齡

夏中雜興

小響風吹葉微痕雨點池興來閒弄笛客散自收碁忽  
忽尋殘夢時時足小詩出門俄已暮忘却野人期

湖上夜賦

冉冉秋將至沈沈夜向晨河隨天漸轉露洗月如新瘦  
竹過睂杖輕紗折角巾漁歌四面起煙水浩無津

御選宋詩卷三十九

謹案第二十一頁後七行薄薄難承雨刊本承訛  
成據石湖集改

第二十七頁前八行獨登擬峴臺刊本脫臺字據  
劔南集增





總校官庶吉士 臣侍 朝

校對官檢討 臣蕭九成

騰錄舉人 臣李 駟